

Guangjisi Minzcu Bau

ganhhau: CN45-0036 B.2015 Nd.12 Ng.16 liggaueq ietfeih nienz ndwenit coloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3203期

Dwzbauj Yen Haenqrengz Doicaenh Minzcu Vwnzva Daihhwngfat

德保县大力推进民族文化大发展大繁荣

Bineix daeuj, Dwzbauj Yen hop-heux “giendingh aen dazyiengq ndeu, fatyienz cungj cingsaenz ndeu, dajcaux buek cingbinj ndeu, cauxak aen duivuj ndeu” guh hong lohnaemj, mboujduenh haeujlaeg gaijgwz, gaij-ndei cwngcwz, laeb caezcienz dijci, gyagiengz dieg minzcu vwnzva hwnjguh, doidoengh minzcu vwnzva hwnghat hoenghwd.

Haeujlaeg doicaenh vwnzva veiminz gunghcwngz. Cinghab sw-hyenz, dungjcouz diuzboiq, netsaed doicaenh 30 aen cunh gaep gunghung fugsah cungsim hwnjguh hanghmoeg. Dangqnaj, aen yienh neix anbaiz boiqdauq bued cienz 604.45 fanh maenz yungh guh hanghmoeg hwnjguh, Nazgyaz Yangh Dacangh Cunh, Majai Cin Lu'gyaz Cunh daengj 20 aen mbanj laeuzcunghab, mboujduenh gyavaig yamqdin hwnjguh cunh gaep

gunghung fugsah cungsim, cauxlaeb cwgoeb singzyangh gunghung vwnzva fugsah dijhi.

Giendingh vih beksingq fugsah. Baengh cunh gaep gunghung fugsah cungsim, lajmbanj gvangjangz iq daengj, haiguh vwnzyi hozdung hing-sik lai yiengh, neiyungz fungfoug, banh conzdungj ciet hawfwen caeuq angqhoh gingqdiemj hozdung gig miz daegsaek Bouxcuengh, gyahaeuj le Heiqcuengh, diuqfoux minzcu daengj cienciengz yienjok, caenh'itbough fungfoug lajmbanj vwnzva saedceij.

Fatyienz minzcu vwnzva. Aeu minzcu doxgiet cinbu caeuq minzcu cwngcwz fapgi cihsiz yungzhaeuj gyang fwen, Heiqcuengh, vaiqbanj daengj vwnzyi biujyienj hingzik vnzlai haengj dingq gyaez yawj haenx, cungfaen leihyung dieg minzcu fungfoug bonjdieg vwnzva swhyenz

caeuq vwnzva yenzsu, fatyienz minzcu doxgiet, coicaenh gak minzcu doengzcaez cinbu, doengzcaez hoenghwd hwnghat.

Dajcaux vwnzva sijok cingbinj, vatcimh Dwzbauj vwnzva swhyenz naekna, hengzguh “haj aen it” vwnzva cingbinj gunghcwngz, cujciz cauxsij 《Fwenyox Dahgensuij》、《Gogaeq Byayinzsanh》、《Byayinzsanh Dah-gensuij》daengj, doiok dauq cingbinj cezmuз gofoux caeuq vwnzyi cozbij maenhndei he.

Gungganq buek vwnzyi vnzcaiz bonjdieg he. Laebbaenz Dwzbauj Ngeihyenz Ndokmax Hezvei daengj cujciz gihgou, hengzguh bouxcoz vwnzyi vnzcaiz gungganq dajsuenq, bonjdieg lauxhangz cienz bang daiq dajsuenq, gungganq vwnzyi swncienz vnzcaiz.

(Nungz Yungjfang/农永放)

Sanhgyangh: Loeggyap Vwnzva Daegsaek Naekna Lai Cungj Baijyienj Coi Swncienz



三江:
六甲文化特色浓
多彩展演促传承

12 nyied 12 hauh, Sanhgyangh Dungcuз Swci-yen Cwngzcunh Yangh Dasu Cunh Mbanjyacunh banh gaiq daihngieih “ciet loeggyap vwnzva”, yungh fwen loeggyap doxdax, guh ceiz doxdax, yungh fwngz gaeb bya doxdax daengj lai cungj minzsuz hozdung, yienh'ok gij daegsaek yinxdaeuz loeggyap vwnzva, yinx ndaej 1000 lai boux gak cuz vnzlai daeuj daejniemh youzcet. Ndaw doz dwg canghfwen hwnjdaiz doxdax.

(Yangz Cunhmou/杨春茂 ing)

Sihlinz Yen Haiguh “Feihvuzciz Vwnzva” Haeuj Hagdangz Sawqdiemj Hozdung

西林县开展“非物质文化”进校园试点活动

Mboengqneix, Sihlinz Yen Youq Bazdaz Cin Daihngieih Siujyoz banh “fwen dahdozniengzgyangh” bouxcoz nyezrauh swncienz beizyin gihdi biengj baiz yizsi, neix hauh'ok Sihlinz Yen hong “feihvuzciz vwnzva” haeuj hagdangz hozdung sawqdiemj cingqsik hainduj.

Sihlinz Yen haiguh “feihvuzciz vwnzva” haeuj hagdangz sawqdiemj

hozdung, youz Yen Vwnzdij Gvangj-dengiz fucwz, Yenveij Senhconzbu, Yen Minzcuз Swvugiz bang guh. Bi 2015 youq Bazdaz Cin Daihngieih Siujyoz banh “fwen dahdozniengzgyangh” beizyin, youq Sihlinz Yen Minzcuз Gauhcungh banh “foux-yahvaiz (fouxvaizcin)” beizyin. Cingj fwenvuengz caeuq lauxhangz aen yienh neix guh hwnjdangz lauxsae.

“Feihvuzciz vwnzva” haeuj hagdangz hozdung, ceng'aeu daengz bi 2017 youq daengx yienh gak yanghcin haiguh.

Haiguh “feihvuzciz vwnzva” haeuj hagdangz hozdung, doiq swncienz baujhoh caeuq fatyienz “feihvuzciz vwnzva” mizik, doengzseiz hix fung-foug hagdangz vwnzva saedceij.

(Cinz Hungzsingh/覃红星)

SIUSIK DINJ

简讯

● Gaenh geij bi neix daeuj, Denhngoz Yen youq gyalai mbanj saujsu minzcuз roenloh daengj giekdaj sezsih hwnjguh doengzseiz, haenq-rengz dajcaux lajmbanj swngghai, gyaundei. Lohsuij-niz bingzrwenz seuqswd, ndoeng goraеu nding gyaеu lumj veh, vnzlai Bouxcuengh gyaundei miz cingsaenz, gyoebbaenz fuk veh lajmbanj huzndei angqyangz he.

(Cangh Yungjhungz)

● Gaenh geij bi neix daeuj, Lingzyinz Yen Swcwngz Yangh Dangjveij Cwngfuj haenqrengz gujli vnzlai dieggayae diegbya, cungfaen leihyung diegnamh swhyenz ndaem doenghgo daegsaek dij ngaenz, aeundaej ginghci yauqik gig ndei.

(Lingz Siuhfaz)

● 12 nyied 8 hauh, bouxgagnyienh ingjsiengq youq Libuj Yen Bujluz Yauzcuz Yangh Mbanjvangz-nizlu caeuq bouxlaux itheij yawj mbawsiengq. Gaenhgyawj byaibi, aen yienh neix cujciz ganbu cizgungh, boux gyaеz ingjsiengq bae diegbya haiguh “vih bouxlaux ingjsiengq mbouj aeu cienz” hozdung, vih bouxlaux daiq bae angqyangz.

(Cauh Cinyenj)

● 12 nyied 9 hauh, Namzningz Si Segohyеn fucuj-siz, Guengjsae Cuenghhagvei misuhcangj Cau Denhbauj daiqlinx Guengjsae Minzcuз Dayoz 4 boux lij doegsaw yenzgiuswnggh bae Binhyangz Yen guh diuyenz. Baez diuyenz neix cungdenj doiq Binhyangz Yen saujsu minzcuз comzyouq yanghcin saujsu minzcuз ginghci, vwnzva, cunghgyau, ndawbiengz yungh Sawcuengh cingzgvang daengj guh diucaz.

(Lanz Suiz)

● 12 nyied 9 hauh, hek-youz youq Cauhbingz Yen Vangzyauз Cingeq ginggih yawjngonz minzsuz biujyienj. Vangzyauз Cingeq ciengzseiz iucingj dangdieg ndawbiengz donzdij, canghheiq yienj dinfwngz ak, vih seiqmienh betfueng hekyouz daiq daeuj cezmuз gig ndei yawj.

(Liuz Feih)